



REPUBLIKA E SHQIPËRISË
KËSHILLI I LARTË I PROKURORISË

Nr. 1292/ Prot.

Tiranë, më 18.05.2025

VENDIM

Nr. 90, datë 06.05.2025

PËR

**“CAKTIMIN ME SHORT TË RELATORIT DHE KËSHILLTARIT LIGJOR
PËRGJEGJËS PËR PROCEDURËN E VLERËSIMIT TË VEPRIMTARISË SI
DREJTUES, TË PROKURORIT ARENS ÇELA”**

Këshilli i Lartë i Prokurorisë, me pjesëmarrjen e:

1. Zonjës Mirela BOGDANI	Kryetar
2. Zotit Erind GERMENJI	Zv/Kryetar
3. Zotit Sokol STOJANI	Anëtar
4. Zotit Zeqir HODA	Anëtar
5. Zonjës Arta MANDRO	Anëtar (në mungesë)
6. Zonjës Ledina RIZA	Anëtar (në mungesë)
7. Zotit Moisi DUDA	Anëtar (në mungesë)
8. Zotit Vatë STAKA	Anëtar
9. Zotit Olger EMINAJ	Anëtar
10. Zotit Erind MERKURI	Anëtar
11. Zotit Erion FEJZULLA	Anëtar (në mungesë)

në mbledhjen e datës 06.05.2025, bazuar në nenin 149/a, pika 1, germa “a” të Kushtetutës, nenet 159, pika 2, germa “a” dhe “e”, 164, pika 8, 184, germa “dh”, 189, pika 1, germa “c”, të ligjit nr.115/2016 “Për organet e qeverisjes së sistemit të drejtësisë”, i ndryshuar, si dhe në nenet 32 dhe 52 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, Këshilli i Lartë të Prokurorisë, shqyrtoi çështjen me objekt:

“Për caktimin me short të relatorit dhe këshilltarit ligjor përgjegjës për procedurën e vlerësimit të veprimtarisë si drejtues, të prokurorit Arens Çela”

KËSHILLI I LARTË I PROKURORISË:

Mbasi shqyrtoi relacionin shoqërues nr. 1292 prot., datë 06.05.2025, të Komisionit të Vlerësimit të Veprimtarisë Etike dhe Profesionale, si edhe diskutoi çështjen në tërësi,



VËREN:

1. Këshilli i Lartë i Prokurorisë me vendimin e tij, nr.264, datë 11.10.2022, e ka caktuar zotin Arens Çela si Drejtues (Kryetar) të Prokurorisë pranë Gjykatës së Shkallës së Parë të Juridiksionit të Përgjithshëm, Tiranë, për një mandat 3 vjeçar. Ky mandat përfundon me datë 10.10.2025.
2. Ligji nr.96/2016 *“Për statusin e gjyqtarëve dhe prokurorëve në Republikën e Shqipërisë”*, i ndryshuar, nenin 52, pika 2 të tij parashikon se: *“Jo më vonë se 6 muaj përpara mbarimit të mandatit të parë, kryetari i gjykatës ose prokurorisë me të drejtën e rizgjedhjes, mund të kandidojë për një mandat të dytë”*. Bazuar në këtë parashikim ligjor, rezulton se zoti Arens Çela, nëpërmjet shkresës nr.8519 prot., datë 03.04.2025, protokolluar në Këshill nr. 1124 prot., datë 03.04.2025, ka shprehur vullnetin për të kandiduar për një mandat të dytë. Kjo kërkesë rezulton që të jetë paraqitur brenda afatit të parashikuar nga dispozita ligjore.
3. Dispozita më tej, në pikën 4 ndër të tjera parashikon se: *“Kryetari riemërohet për një mandat tjetër vetëm ... nëse vlerësimi për veprimtarinë si kryetar dhe magjistrat, është të paktën “shumë mirë”*.
4. Për këtë arsye, për ndjekjen e këtyre hapava ligjorë, Këshilli duhet të vijojë me fillimin e procedurave për si kryetar (drejtues) për prokurorin që ka rikandiduar për pozicion drejtuesi në Prokurorinë pranë Gjykatës së Shkallës së Parë të Juridiksionit të Përgjithshëm Tiranë.
5. Për lejimin e tij në vijimin e procedurës së mëtejshme të rikandidimit është i domosdoshëm vlerësimi si drejtues. Ky proces realizohet nga Komisioni i Vlerësimit të Veprimtarisë Etike dhe Profesionale, i mbështetur nga këshillatrët prokurorë pranë Këshillit.
6. Ky vlerësim përfshin periudhën 2022-2025 dhe mbështetur në nenin 161, të ligjit 115/2015 *“Për organet e qeverisjes së sistemit të drejtësisë”* i ndryshuar, Këshilli zhvillon procedurë shortimi për caktimin e relatorit.
7. Nga procedura e brendshme e ndjekur nga ana e Komisionit të Vlerësimit të Veprimtarisë Etike dhe Profesionale, rezulton se Kryetari i këtij Komisioni ka paraqitur heqjen dorë nga kjo procedurë e cila është pranuar nga ana e Kryetares së Këshillit të Lartë të Prokurorisë. Për këtë arsye, në Komision ka marrë pjesë si anëtar zëvendësues zoti Vatë Staka.
8. Bazuar në Rregullore *“Për organizimin dhe funksionimin e brendshëm të Këshillit të Lartë të Prokurorisë”*, (Miratuar me vendimin nr. 407, datë 17.12.2021 të Këshillit të Lartë të Prokurorisë) neni 35, pika 5, u hodh shorti midis dy anëtarëve të përhershëm duke u përcaktuar si Kryetar i Komisionit të Vlerësimit të Veprimtarisë Etike dhe Profesionale për këtë procedurë e z.Erind Merkuri.
9. Për këto arsye, Komisioni i Vlerësimit të Veprimtarisë Etike dhe Profesionale, që do të ndjekë këtë procedurë përbëhet tashmë nga Erind Merkuri (Kryetar) dhe anëtarë zoti Olger Eminaj dhe Vatë Staka. Për rrjedhojë, në rastin e kësaj procedurë shorti, për caktimin e relatorit që do të ndjekë procesin e verifikimit të pasurisë dhe figurës u zhvilluar ndërmjet këtyre anëtarëve.



Në këtë situatë shorti u zhvillua ndërmjet dy anëtarëve të KVVEP-së, zotit Erind Mërkuri, zotit Olger Eminaj dhe Anëtarit Zëvendësues të Komisionit zotit Vatë Staka, nga ku u përzgjedh zoti Olger Eminaj.

11. Shorti për përzgjedhjen e Këshilltarit Përgjegjës për vlerësimin u hodh nëpërmjet Këshilltarëve të Komanduar në Këshill, pjesë e Njesisë së Mbështetjes së Komisioneve: zonjës Pranvera Gruda, zonjës Armida Moçka, zotit Olgert Rumnici, zotit Andi Pogaçe dhe zotit Gentian Habazaj, nga ku u përzgjedh zonja Armida Moçka

PËR KËTO ARSYE:

Bazuar në nenin 149/a, pika 1, germa “a” të Kushtetutës, nenet 159, pika 2, germa “a” dhe “e”, 164, pika 8, 184, germa “dh”, 161 dhe 189, pika 1, germa “c”, të ligjit nr. 115/2016 “Për organet e qeverisjes së sistemit të drejtësisë” i ndryshuar, si dhe nenet 52 dhe 96, të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 11, 12 dhe 15 të Rregullores “Për vlerësimin etik dhe profesional të drejtuesve të prokurorive të juridiksionit të përgjithshëm” e ndryshuar, Këshilli i Lartë i Prokurorisë,

VENDOSI:

1. Caktimin me short të Relatorit dhe Këshilltarit përgjegjës për procedurën e vlerësimit të veprimtarisë si drejtues, të prokurorit Arens Çela:

Prokurori

Relator

Këshilltar Ligjor

Arens Çela

Olger Eminaj


Armida Moçka

2. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 06.05.2025.


KRYETAR
Mirela Bogdani


ANËTAR
Sokol Stojani


ANËTAR
Olger Eminaj


ANËTAR
Zeqir Hoda


ANËTAR
Erind Merkuri

ZV/KRYETAR
Erind Germenji


ANËTAR
Vatë Staka